



Plauderdäsche

1. He jo, he nai, besch gher, besch gseh,
wie mänge lieber s' Pech mecht neh,
will drei so alti Gallespritze
hit r'Obe mit em r'Gricht wänd sitze.
2. Das „Auge des Gesetzes“ wacht,
dass kain e lätzes Gimpli macht;
doch sot me-n-em, es wär vo Neek
e besser Hirni iine leete.
3. S'isch nit grad fiin, doch mues i 's sage,
me sott si, statt lo Säbel trage,
s'Gsetz e bitzli besser lehre
und Aschtand fir die dumme Schneere.
4. Me macht mit uns doch müngmol d'Kueh:
mer sage nyt und luege zue;
der Rankhof soll „in Flamme stoh“,
die halbi Stadt will ane goh.
5. E Pfupf, sunscht nyt! Mit andre Worte:
mir Basler sin versegglet wordel
Bald isch kai „Fresch“ me ummegumft
und d'Gsellschaft isch mit Glanz verlumpt.
6. S'isch kiehn was d'Grosrect sich dien latschte:
e Gwehnliche darf sich nit erdraischte,
wenn krampft er het bis r'Obe schpot,
no de zwelfe no zum Sufe goht.
7. Doch anderscht isch's mit deene Heeret
händ si pfluderet bis en-e haiss lauft d'Schneere,
so muess me doch die flissige Manne
lo leere Wii und Kaffikanne.
8. Dr Bubikopf isch jetz modärn
o scheeni Zilt, wie bisch du fäin,
wo Rosshoorzopf und Gummibrusch
d'r Ma händ graizt zur Hirotluscht.
9. Dr kurzi Rock und Slidestrumpf
und d'Sittelosigkeit isch Trumpf;
hit kamme nimm im Corset schwitze
's Blut muess iberall fireblitze.
10. D'Parole haisst jetz wiit und brait:
„d'Frau und ihri Schwerarbeit“.
D'Frau muess s'Esse zämmetrage,
d'r Ma dänggt nur an 's Wohl vom Mage.
11. Die Sach die muess jetz anderst ko,
mr wänd d'Fraue d'Hiiser baue lo
und d'Manne kenne 's Kind verdätsche,
derzue im Hus go ummerlitsche.
12. Dr Messingkäfer isch kaibe glunge,
es schiin, er haig e fiini Zunge,
frisst Wohnbaragge voller Lischt
und Grossrotshirni und andere Mischt.
13. D'Nazi stellt die Viecher us,
sie sammle sie in jedem Huus,
sie kenne dert im Geschäftsinträsse
die viele Zittigsänte frässe.
14. I glaub s'isch s'beschtli, wenn mer schliesse:
es het halt wieder use miesse,
i muess jetz schleinigscht furt vo do,
dehain han-n-i d'Milch uf em Gas lo stoh.